



Pamebhamɛ

'Nimlo : 004. 'Su : Duö : -Kwɛ : 2005 'su -bha 'sëédhe -mü

Blowo

-Wo kpö =bhlözë

'Wuntao bə 'sëédhe =nɛ -më
-kë 'ö =bɛɛn ü -de -wo 'gü i ?
-Më -kë 'ö 'wo- =bɛɛn- =Dan -wo 'sloo
'gü i ?
-Më -kë 'ö yaa =bɛɛn- 'kwi -wo -nu,
=glɛɛ'- -wo -nu, 'Lüma -wo -nu -an gbe
'gü i ?
-Wo =vava -nu 'ö 'kwa -an 'to pö bhë,
-wo -an -dɔ 'kpongtaadhe -todhösü 'gü,
-an -bha -kë =bhlözë -sü bhë
-a -zɔn 'kpongtaame 'kpɛkpe wö 'dhiö
-sü 'ka.
-Yö -dhe -ma -kun 'pö kö 'kwa- -zɔn
=nɛ kwa 'kpɔ -wo 'ö =Danwo 'ka bhë, -yö
'bhee-, 'yö- -bha kö -a -bha -kë =bhlözë
-sü bhë 'kwa- -zɔn mɛ -nu dhë =nɛ -kɔ 'ö
-wo mɛ 'wo to 'kwa -an -bha 'wun ma -a
'ka bhë -a 'dhö.

'Sëédhe =nɛ -a =bɛɛn -sü -gen tɔɔ -më -ɛ?

-Wo -nu 'ö -Zlan -ya -da 'kongtaa bhë,
-a 'bhaa gbe 'yaa =bhlözë -yaan zië 'ö 'bha
-ta. Pë 'yi- -dhe ka -gɔ 'ö tɔɔ kö mɛ 'ö
-dhö -yö 'ö -de -wo 'sü -së =nɛ -kɔ 'ö -wo
mɛ 'wo to 'wo- 'ka -a 'dhö. -A -wun 'gü
-yö -dhe -ma -kun kö ü -de -wo bhë 'ü-
=daan'-.
-A -wun 'gü, yi -bha mɛ -nu -wun
'gbeezë, 'wuntao bə 'sëédhe =nɛ yi- -bho
gɔu 'dhö kö pë 'ö- -wun to kwa -gɔ bhë,
-ya -ta pa ; 'iin 'zü kö 'wun -nu 'wo kö
-na kwa -bha =daanwo pö 'pian -ta oo,
Kativɔa -sɛ 'gü oo, 'iin 'kpongtaadhe
'kpɛkpe 'gü kö =kun 'kwa dho -ya kwa tii
-bha -a -wun 'gü.
=Ya 'gomü, -yö -së kö 'ü- kë =nɛ
gɔɔn- 'wo- 'to kpɔ Samali mi këwun
-sëézë 'ka bhë -a 'dhö. Gɔɔn- 'ö bhë -yö

-kpɛn mɛ do -bha zianhö kö këpɛyaame
-nu =waa- -gi, -yö waannu -sü 'ka
-kpinng 'dhiö. 'Yö- sü 'yö dhoë 'wo- 'dhe
-kë 'yö -kë 'pönöpönö. =Ya kë -be Samali
mi =nɛ yaa nu mɛ 'wo- -gi bhë -a -dhë -be
-më 'ö dhoë- kë -o? Gɔɔn- 'ö bhë, -yö
-dhö -ga zian -ta 'kpaan 'waawa.
-A -gen tɔɔ 'ö =ya kë nɛ ü 'ka ü -de
-wo =bhlë -ya -a -bha, 'tong 'bhaa -dhö
dɔ 'ö =dhong 'ö go 'sɛ -ta.
=Ya 'go mu, mɛ 'ü ü -dewo =bɛɛn' -dhe
dɔ, ü -mɔa 'ü dɔ ü -yayɔɔ -gban -gɔ. -Bhö
kë =nɛ Samali mi 'dhö, 'ü nu -a -dhë.
=Ya kë =nɛ 'wun 'bhaa -yö ü -gɔ kö 'üɛn-
=blɛɛ'- yi -dhë, yi -bha dresü 'ö =nɛ :
08 B.P 857 Abidjan 08



Kwa -bha =Dan -sɛ 'gü -wun

Kwa -dho kwa dë
-Zlan zuö pö, -a -gen tɔɔ -a
-zo 'yaa trö 'yename -bha.
=Dhe 'ö 'wun 'gbee- =ya -da
kwa -gɔ 'sɛgü bhë,
-kɔlökota 'bhaa 'wo- -dhe
Aksion 'Kɔntrë =la fɛn-
(Action contre la faim), 'wo
dɔ din -bha -da 'sɛgü -sü
-gɔn 'yɛnng. Mɛ -nu 'wo
'dhö bhë, -wo wo zota kwa
-bha =Dan -sɛ -wun 'gü, 'wo

=kpëü 'kaa -nu, -mlü 'kaa
-nu, 'kaɔ -nu, 'gbe -nu,
=klaa' ga 'ö kwi -ya -dhe
'limö -nu, 'wo -an -glu pö-
-nu 'gü, kö -wa ta, kö -yaan
kë -bhöpë 'ka, kö =kun 'ö din
dho -da pö- -nu 'gü.
=Ya 'gomü -kɔlökota =dhe 'ö
-kë =Daɔnpöme -bha
-kɔlökota 'ka 'ö 'wo 'sëédhe
=plëézë =bɛɛn' -na kwa -de
'kpɔ -wo 'gü, waa- kɔlökota

=va do 'wo- -dhe 'Silö (SIL)
'wo yuö -kë wo 'koë-. Mɛ
'wo 'dhö bhë 'pö, 'wo -wo
-gɔa gbe gbe =plëézë =dhië-,
'wo -an =bɛɛn 'sëédhe 'gü.
-Kɔlökota =plɛ 'wo bhë, -wo
-dho wo 'koë, 'wo -Zlanwo
'sëédhe 'wo- -dhe Biblë bhë,
'wo- -glu 'Maa -sɛ waa-
=Daan' -sɛ -todhosü 'ka. -A
-gen tɔɔ kö =zuöga -nu 'ö
=wa -gi bhë, kö -Zlanwo -yö

-an -bha ɔnuo -nu anɛke,
'iin 'zü -wo bə -a -ta kö -wo
dha. -A -kë 'dhö -sü bhë, -yö
-dho -Zalanwo dho 'dhiö kwa
-bha 'sɛ -ta, 'ö 'wun yaa waa
'wun 'gbee- -kë mɛa -sü -yö
dɔannu. -Kɔlökota =plɛ 'ka
bhë -Zlan yö 'dhuë- 'kpɔ ka
-bha =Va. -Nu mɛ -dhë -kɔ
=suu'- bhë ka- 'wun -dɔ =nɛ
-a -gen -go -Zlan 'piö a ?

-Demédhe

L'orthographe DAN Blowo

Voici ce que nous pouvons prendre pour savoir lire et écrire en langue Dan.			ɛ	'pɛ	déchirer	ö	pö	dire
Les consonnes et les voyelles que vous ne voyez pas ici sont les mêmes qu'en français.			ɛɛ	=dɛɛ	aujourd'hui	öö	=töö'	panier
Attention:				=sɛɛ'	natte	u	'su	lune
1. c, h, j, qu et x n'existent pas en dan.			ɛn	-gen	pied	un	bun	corps
2. r ne se trouve jamais au début d'un mot.			ɛɛn	=gbɛɛn	long	uun	'yuun	asticot
Voici le reste de l'alphabet :			'ɛ	'pɛ	credit	ü	'gü	intérieur
Lettres	Exemple	Traduction	ao	'kaɔ	daba	üü	=glüü'	frotter
Aa	'kaa	gale	ëɛn	=klëɛn	entourer	üö	'güö	brûler
An	'gan	tirer	ea	'kpea	sec	öü	=bhöü'	tarir
Aan	=saan'	cadeau	ean	gean	scorpion	-Wo 'dho -kɔ (Les tons)		
ao	kaɔ	perdrix	gw	-gwö	caillou			
aɔn	daɔn	araignée	in	'bin	fleur, image	1 'lü	ton Haut	arbre
bh	-bho	cabris	iin	'iin	ou	2 dë	moyen	père
dh	dhe	mère	ee	'gbee-	fort	3 =zɛ	bas	termite
ë	dë	père	kw	=kwaa-	main gauche	4 -tɔ	Tombant	Poule
			ngɔ	gbeng	nuit	5 lan-	moyen + tombant	Soleil
			oo	'too	sauce	6 'Zlaa-	haut-tombant	→ Petit frère
			ɔ	-dhɔ	amour	7 =glaa-	Bas-tombant	→ Palmier
			ɔɔ	=wɔɔ-	singe	8 =laa'	Bas-moyen	→ panthère
			ɔn	'yɔn	huile	9 =See'-	Bas - moyen-tombant	: orange
			ɔɔn	=Sɔɔn	comportement			



'Kativaa -se 'gü -wun

Biya pö- yaandhe =ya kë 'duun 'ka.

'Ö sü 'su 'wo- -dhe -zakayabhö 'ö 'kwië- -dhe 'maasö bhë -a -bha, Biya -dhe 'ö -kë 'dhiö -be Lagii ga 'yan -dhe -sëdhe 'ka bhë, =ya 'gla 'duun 'gü -dhe =va do 'gü. -A tää zlöö 'duun dödhë -së. 'Ö tää -a -dhe 'saadhö =ya kë 'duun dö yaya 'wo go 'kænto -a 'ka. =Blëë' 'wo- 'dhia bho -kpinng 'to -ta 'saadhö -bha, =ya kë metrë =plëëzë 'ka.

'Guungö -nu 'plë =wa pa 'duun 'ka, -an 'tëë =ya kë ya 'duun -dhë, -a -de, -kpinngga -nu =wa 'to 'söösö =blëë' =kää'. 'Dhököëdhe -nu =wa pa, -piikö =vava dëmë -nu -wo woë- 'kadhï -nu ta -na, 'duun 'tëë -nu, zënpë -nu, 'wunblë -nu -an =kää' bhii 'wunblë tii ga -nu -wo =troo' -nu kë -na 'dhö =kwëë- -nu -ta, kö zënpë -nu -wo 'tan bho -na 'iin 'zü kö

-wo më 'kan -na. 'Töng =suu'- -mlë 'ö =ya 'yua =plëëzë nu më -nu -dhë =në? 'Gu =ploö' -nu, -a 'lükia =suu'- më 'wo- -dhe tifoidö -nu, =wa sla. =Blëë' -sü plöö më gbe 'yaa -dhö, 'ö tää Bia =blëë' 'daawodhe bhë, pö- =ya yö -a -bha. -A pö- -më -nu -wa -pö 'duun 'tëë =ya 'më wo 'ka, woë- dhoonu, 'në -nu, 'yua =ya 'kan -an

'gü, -a -wun 'gü kö =kun 'wo =blëë' 'daawo 'më gbö. Biya -se =kænnmë -nu, -a 'se -yuökëmë -nu 'dhi =ya 'kun bhii, -yö 'wun gia- 'ka. Kwa -de 'pö, -kwaä kë kö kwa -bha pö- -nu -wo 'to 'slööslö, kö =kun 'kwa -ya 'duun 'gü plöö 'ö 'yua dho kwa kë, 'kwaan- ga 'kpaan 'wawa.

Dha 'yi -bha më zë 'ö- wo Biya

Dhayi -yö -së, 'këë -a -ziö =gou -sü 'yaa -së. Ban 'ö dha 'dhoë- wo -na 'töng =në -a 'gü Biya bhë, =ya =gbaon. 'Guungö 'bhaa 'wo- -dhe,

Wiliamö 'Vilö 'ö Biya zö bhë, dha ban -kö bhë, 'ö 'kö do -yö -lo më -nu -ta. =Ya 'go mü, =klang- 'kö do 'bhaa -yö 'kwi -pö 'wo -dhe

Basamö 'yö Biya -dhe 'söö bhë, =klang- 'kö bhë, dhayi -ya -bho 'fefedhö -dhekpäyi =plëëzë 'piö 'ö 'në -nu waa 'dho =klang' 'kædhö 'töng

bhë -a -bha. 'Yi 'ö -kë =klang' =plöö mü, -wo -mää kö -wo 'yikë -a =bhaa.

'Wun -gban dhoonu -bän zë -sü -bha.

-Dö 'wungbee- =plëëzë -kë mëa -sü -gö 'yënnng -më -nuë -kälökota 'wo- -dhe Amünesi Entæenasionälö (Amnesty Internationale), -wo -dho wo 'ko =bhaa -kwe 1998 bhë -a su 'wo- -dhe 'në 'sëen- -nu -bha -blëë 'ö 'kwi -ya -dhe desanblë bhë -a 'gü -a dhekpäyi 27 'ka, täng 'ö 'nimlo 'tö 'dhö =në : 98, 757, 'wo- -da -a pö -sü 'ka =në : 'wun 'gbee- -kë dhonnu 'ka -sü 'wo -kë (-göön dheë -sü, waa- -an kë 'bän 'ka -sü) 'ka bhë,

-dö -a -gö 'yënnng. Bhii, 'wun bhë, -a -kë 'dhö -sü bhë dhoonu -veizë -sü -mü. =Dhe 'wo- täng -da =në, -a -kwe 'slaple (7) 'ö =në, -a -dhio 'yaa ma -na. -A -wun 'gü, -kälökota bhë -ya pö : « Dhebo më 'ö 'wun =suu'- -nu 'wo =në 'wo 'dhoë- kë -a 'ka, -yö -tazändhe kë 'kwi =plöö. » Wö =suu'- -nu 'wo =në =kwaä -bho kwa -bha -toseadhe 'gü. -Kwaä -zian =mëë'- kö 'kwa dhoonu =bhlë 'to -an -ta. Kälökota =suu'- -nu 'wo =në,

kwa -nu -kwa yuö kë kwa 'koë-, -dö 'wun yaa -nu 'wo 'dhö bhë -an -gö 'yënnng -sü 'ka. 'Wun 'dho 'gblo do bhë, =Flanse 'kwi 'puu -nu =wa 'dho -a -ta, täng do -da -sü 'ka =në : -dadhëü -däpöë 'nëdhe -yö 'dho göan -kwe 'goodo ö ga 'sleaga 'ka zlöö -a -kë 'dhö -sü bhë -yö -dhoë kë 'ö dhe -dögöan 'gbeedhe 'ka -sü -yö duannu.



'Se 'gla -wun waa - Më =slöw -pë -wun

'Wun 'ö -gban -mlü =suu'- -nu ta -sü -bha.

-Mlü ta -kö 'slëzönnmë -bha -kälökota 'kpü -'ö 'kativaa -zö 'wo- -dhe (ANARIZ -CI) bhë, -wa -zän kwa -dhë -kwe =në -a 'gü =nëë -a -kö -mö 'wuën -sü -yö wo -gö kö 'wun -gban kwa -bhöpë -wun -bha 'Kativaa zö 'wo wo -zo kë -a 'piö. -A -wun 'gü, -mlü -ke -nu 'wo -kwe -në -a gü -a züdü 'töng 'ka, -wo -mlü 'kaa

=suu'- 'wo- -dhe Nelika (NERICA) bhë, -a 'kidhong 2000 -glu -kälökota 'göople (20) 'ka 'kwipö 'wo- -dhe -tönggbötii (Toumodi) bhë -a 'gü. 'Wo- pö wo -bha 'wun güdan -sü -mü, 'iin -a kë -sü -mü kö -bhöpë -sü 'se gbe 'gü -sü bhë 'waan- =gbaannu, kö kwa -bha bhöpë -wun -yaan -gban kwa -de -bha zlöö.

Bhii -mlü -dhö 'se gbe 'gü -sü =sönnng'- yö kë mliaa 110 'ka -kwe 'ö -ziö =në -a 'gü. 'Wun bhë 'yaa kwa -bha 'se =bhlë 'to -a -ta. -A -dhe -sü -mü ke- kë -më 'saadhö -an -gö kö -wo -mlü -ke kë =vava kö =kun 'kwa -ya kplawo 'sekænnmë -nu -gö. 'Blü -nu -wo kwa -gö =va kö 'kwaan- ke- kë.



'Kpongtaadhe -wun

-Glu -da 'se -nu 'gü -sü -bɔata 'yö tɔɔ -më -ε ?

-Glu -da 'se -nu 'gü -sü -bɔata 'yö tɔɔ -më -ε ? -Më -kë 'ö 'segɔ =plëezë -wo -kwe plëezë -kë -glu 'gü 'kpongtaa =ε ? : Nuëzlöödhë -nu 'dhö (Libelia) 'wo -kwe 14 -kë -a 'gü, metii 'segɔ me -nu 'wo -an -dhe Siela leonö -kwe 11, -a me 'wo -dhe Tiadö -kwe 35, Mozangbikö -dhe -kwe 13, Angola -kwe 20, Luanda -kwe 10. -Dhe -nu 'wo bhë 'töüdhö 'ö -melü -vuu 'gü -vuu =plëezë -wo ga -an -bha. -Glu -bɔata -blëezë 'ö tɔɔ : -a -dho -kë -de 'ka -sü, 'ö me 'wo -'sü -na 'se =kɔɔme 'ka bhë, 'yö ö -de -wo pö me, 'iin 'zü ö -de -gɔ -me -nu -ya 'ö 'sɔɔ kö -waan ö -takpa. -A 'bhaa tɔɔ 'se -gɔ

'pian gbe -sanzë -sü 'ö 'waa -'piö kö -yö 'gla, 'wo 'wun 'gbee -wo -a 'gü -me -nu 'yan -ta, 'ö 'kwi -ya -dhe 'se =kɔɔn -kɔ yaa. Pë -nu 'wo -glu -da metii -se plëezë 'gü =dεε 'wo -bhë. Me -nu 'wo dho 'se =kɔɔn =dεε =zuöga -së 'ka -a me gbe 'yaa -dhö. 'Dhiösüme 'ö dho me -gɔ =yɔɔn 'koë-, me 'ö dho nu me -dhë, me 'ö dho kë 'lëälë, 'iin 'ö dho 'wun kë 'ko 'trüün 'piö =ne Katolikö -zlinkö 'dhiösüme 'kpüi -'ö -Zlan -ya -bha yi -lo tëü -a 'dhö, -a me gbe 'yaa -dhö. Gɔɔn -'ö bhë -yö me -nu -yɔɔn 'koë, 'yö me -dhökë, -dewo me -nu 'ö wo -nu -an -bha =bhea' -kɔ 'yaa do -yö -an -gɔ

-yɔɔn 'koë- 'yö tɔng -nu do -an -dhë. -Yö metii 'se -nu -dhökë =gbaɔnsü. =Dhe -kë -yö 'se 'kpekpe -gɔ -kpa 'koë- =ε, 'ö =dhe 'ö -a -wun =ya kë =zɔɔ' bho =glööbɔ 'su 'ö 'kwi -ya -dhe avlilö -a 'gü tëü bhë, 'se 'kpekpe, -wo pö -me 'kpekpe, -Zlanwopöme =suu'- 'kpekpe, ö -bha mëng 'séübhome -nu, me 'waa =bhea' me 'ka -nu, melü 'wo -mɔ me -vuu =këng' yaaga bha (300.000), 'wo dho -a ga -ta 'segɔ 'wo -dhe 'Wlɔmë bhë -a 'gü. Me =suu' -'ö 'sekɔɔnmε -dhö -mɔa yö këa yö =ga 'ö bhë.

Monyan Kese

'Wun 'ö -gban -potaasü -wun -bha.

=Blëedhe =plëezë 'dhɔɔ do -kɔ yaa

=Blëedhe =plëezë 'dhɔɔ do plaan -sü bhë -a züdo -kwe 1990, Sinöme -bha blëedhe -ta. -Kwe =ya ziö -kwe -ta, kö yuö =suu'- bhë -yö =bhεε -na -yö 'dho -na 'dhiö. 'Sinöme -bha =blëedhe 'dhɔɔ bhë, =ya Biya -dhe 'sü ö =bhaa'. -A 'kɔ sonnngtodhe 'saadhö, blëedhe 'dhɔɔdɔdhe -mü, -dewo, kwa -bha 'Kɔtivɔa -dhe 'saadhö -a 'gü. =Blëedhe -yuö kë -me -nu 'wo kwa

-segü 'në -nu 'ka =wa 'wun =blεε' -'wun bhë -a -bha, -dɔ -a -gɔ 'yënnng -sü 'ka, 'kεε 'yaa -mɔ -na 'ö tɔɔ =blëedhe -nu bhë, -a 'dhɔɔdɔ -me -wa -gbugban -na 'següme -bha.

-A -wun 'gü -a 'sü -me -nu do -sü 'ka 'yua -bha zian -ta 'ö tɔɔ =blëedhe =suu'- -nu bhë, -an =plëezë =wa =siö', -an -kwe =ya ziö, 'gomü -wo

-lo -sü 'ka -dhepuudhe -bha plaan 'kpaan, waa- gbe -takpa. -A -dhe -sü -mü me 'saadhö -gɔ kö -wo 'dho =blëedhe 'dhɔɔdɔ -kɔ -nu 'gü -wo wo -bha blëedhe -nu 'dhɔ, bhii -wo wo -zokë -a 'piö -sëka 'iin 'wo -takpa lan -nu 'tëesaa 'kpaan, 'iin 'yua plëezë -gɔ, kö -potaasü -yaan kë kwa -gɔ.

Bha -sü =plëezë

-Dhekpɔyi =plε =ne -a 'piö, -badhongzuöme -bha -dhokoë =vava -nu 'wo metii -se 'gü -wo =saadhengdhe -da, kö me 'ö -badhong -züö me 'gbee -'ka -waan -a dɔ. =Ya kë 'dhö ε, me bhë, -wo -dhoë 'tɔ -ya -badhong -zuö -me 'gbegbe 'wo 'kpontaa -an -bhüö 'gü kö -waan =badhong -zuö 'lüma -se 'gü -kwe 2006 'yö nuë- =ne -a 'gü. -A -wun 'gü -kwa

-Badhongzuöme -nu.

-bha -badhongzuöme -nu -bha -dhokoë =va 'wo -a -dhe Biö -nü bhë (-a -gen tɔɔ -an =faan' =va =ne biö -nu 'dhö) waa -a me -nu 'wo go Ezitö -wo wo de =gein' -ga, 'su 'kwa -dhe 'kplo 'ö 'kwi -nu -wa -dhe zuen (juin) bhë -a =dhekpɔyi 19 'ka 'yinia 'piö. Kwa -ma =ne pë 'gbegbe =plε =wa wo 'ko yö, -a do -yö -to -a 'gbee 'ka. -Gɔngɔn 'wo -wo bhë, kwa -bha biö -nu 'wo -bhë 'wo to -a 'gbee-

'ka, 'wo Ezitö -me -gɔ =plε -da, =waa- gbe bho mü. Kwa dhoë- pö hozana kwa -bha 'në -nu -bha 'ka. -An 'yoo =ne bhë. Bhii -a 'gbee- -nu -wo -dho dho 'Lüma -se 'gü kwa -bha metii -se -nu 'tɔ 'ka. =Ya kë 'dhö kö me -nu 'wo dhö dho bhë kwa -bha 'Kɔtivɔa -se -yö -an 'piö =ne bhë.

'Yee -wun

'Wun =ne -yö gban 'në gɔɔnzë =plε 'wo -me do -dhe Yangbee, 'wo -me 'bhaa -dhe =Keyang -an -bha. Me =plε 'wo =ne -wa -dhökë =bee'- 'ka. =Dhe 'ö -kë =ne -a me 'ö -dhö -ya -pö ö 'gbee- 'ö =zië' ö 'bha -ta bhë, 'ö yi do 'ka 'ö pö- dëme -yö '=saadhengdhe -da. -A yi bhë =dhe 'ö -lo, dhoonu -wo =bee'- -kë =va 'wo -gban 'dhëüdhö, me =plε 'wo bhë

'wo -an -dhe. 'Ö Pöme -nu -wo =nië -an -zü. Pö- dëme -ya pö -an -dhe -wo 'dhoë- -bha. =Bee'- bhë -a 'too bhë 'te -gɔ do 'kpaan 'ö- =bhaa. =Dhe -kë 'dhö 'ö -Yangbee -yö bha =bee'- -gbo bhë -a -bha, 'yö- dho 'kou -do 'yö- ö =zloa 'yö- =yɔɔ- -glüüdhö. =Dhe 'ö kë -na 'dhö kö me -nu -wa pö -na -a -dhë: « -Yangbee ü dho ga -ɔ, ü -dho ga -ɔ ». 'Ö

dho 'ö- 'plε =yɔɔ 'töüdhö 'ö bhö -a -bha. 'Wun bhë 'ö me 'kpekpe 'dhi pa 'ö 'wo -we -a 'tɔ 'piö. =Dhe 'ö yö =Keyang -bha, 'yö -dhe -ga ö -zü 'to. 'Yö bha 'te -gɔ -bha, 'yö- =yɔɔ 'wa -slëedhö. -Dhe bhë -a -bha zlöö, 'ö me 'plε 'dhi -yö kun. Bhii 'wun =suu'- bhë -a -blëezë 'ö kë -na me -nu 'yaan 'dhö bhë. 'Ö me 'kpekpe -wo yö =Keyang 'tɔ bhö -sü -bha, -a pö -sü 'ka

=ne -yö 'gbegbe giagiawo. =Dhe =ya kë 'dhö 'ö pö- dëme -yö 'wun bhë 'ö- -kan, 'yö- pö =Keyang -bha 'te -gɔ =yɔɔ' -sü -wun 'gü, =ya 'to -a 'gbee- 'ka -Yangbee -ta. -A -gen tɔɔ -piö 'kan -piö -yö -dhö

'Ze Emanuelö

-Piën

<< 'Waa 'wun yaa 'pë bho 'wun yaa 'ka. >>

Kwa -mā kö 'kwa 'wun =zān' 'sü gōn- dē do 'ö- -bha 'nē -yö -püö 'yi =bhaa 'ö- -wun 'dhö 'sëédhe -be 'nē 'bhaa 'wo- -dhe ('waa 'wōn yaa "yuv bho 'wōn yaa 'ka) -a 'gü bhē -a -bha. 'Wun =zān' -sē -giagia -mü. -A 'sëédhe

-be 'nē bhē -yö 'maa -wo 'gü. -A 'dhō -bha -yö "Zē Emanuē -gō "Maadhö. Ü -ya 'yō =ya 'wun yaa kē ü 'ka, -kö =kun 'ü- =dēi' -da -a -gō 'wun yaa 'ka. Ü -bha -yö kē 'wun -sē kē -sü 'ka -a -mē -dhē, -a -gēn tō 'wun -sē kē -mē 'yaa

=dhōng -Zlan -gō gbokungbokundhō. -Kwaa kē -zian =mē' - kö 'kwa kwa -de 'kun 'wun -nu kē -sü 'gü bhii -yö kwa bha 'wundōdhe waa- kpaakpadhe -zōn mē -dhē.

'Wun -tao

1)- 'Sëédhe -be 'nē -nu 'ö- -an -yö plaan -sü 'yaa =gβēn gbō 'wo =nε :


- 1) **" Yesu Klito tō 'kpongtaame -nu Dhame "**
- 2) **Yesu 'Klito -bha mē =daan' -wo -nu**
- 3) -A mē 'ö -gban 'Lükia -bha mē kē kō waa- -a 'dhe kē -kō -bha 'Wo- -dhe : **=Göō- waa- 'lükia**
- 4) **'Yua =plëezē waa- ö 'dhe kē -kō -nu**

2)- =Ya 'go mü 'zü, =klang -sē 'bhaa 'ö -gban 'mē 'ö- =zuö' =ya -gi, -a 'wun kē -kō 'wo dhoē- kēa, kö -a =zuö' -yaan -püö -a -bha, -a =klang' bhē 'wo- -dhe : « =zuö' 'gü bhüö -dhe bo -kō ». =Klang' bhē -yö -dho kē =Daan' 'sego 'gü. -A do -yö -dho kē -Zuōngwiö, 'su 'ö 'kwa- -dhe 'kplotei 'ö 'kwi -nu -wa -dhe zue

(Juillet) bhē, -a -dhekpaoyi 'gōople ö ga 'sōdhu (25) 'ka 'ö yöē -dhekpaoyi 'gōoyaaga (30) -bha -dhekpaodhiö -a -da plöö -yi 'ö tō dhekpaoyi 'gōople ö ga -yiisiē (24). 'ö- do 'bhaa -kē =Daan' pō- yaandhe gia- -bha. -A -da plöö -yi 'ö tō 'kpotēi bhē -a -dhekpaoyi 31 'ka, 'ö =klang' züdo 'su 'ö 'kwa- -dhe

-Dōdhe 'ö 'kwi -ya -dhe Utö (Août) bhē -a -dhekpaoyi -blëezē (1) 'ka, 'ö dho 'ö yöē -dhekpaoyi 'slado (6) -bha. Mē -nu 'wo ka =dhōkē bhē, yi ka =faan' 'mē -na kö 'ka kē =klang' bhē -a -ta =va, 'ö tō pē -sē -ya 'gü =va.

Pë 'bin 'ö =nε zian -gblōoga 'ö dho -pamebhame =plöö yo -mü, -bhö -a =mē' - kö 'ü 'dho mü



'Ka yēn 'sëédhe =nε -a pō -sü -bha -ka ka -bha -zotadhe -nu bō yi -dhē. Yi 'yan -yö ka -bha 'sëédhe -nu -gō.

Mē -nu 'wo 'sëédhe 'ö =nε -a =βēn -an 'tō 'wo =nε Sai Zoiasü, -Kese Mōyan, Zafe 'Dhōōgbō, Valangten Vidrinö waa- Edhena Pedhekwalösökaya 'wo go Lusi -sē 'gü 'ö yöē Hanesü 'ö go suisü -a -bha. Yi -bha 'sëédhe kē -dhe 'nimlo 'ö =nε : SIL 08 BP 857 Abidjan 08 Tel : 22 43 12 72